

TARDE – PESCARA = 1 A 1.. MA IND'A CCASE NONGE VINGIME!... E CE STE' 'A DIOSSINE?

L'ha mann't Aldo "Diecipalazzine"
domenica 05 ottobre 2008

‘No riuscìme a vengère ‘na partite ind’a ccàse. Secondo mè jè còlpe d’u càmbie. Stè ‘a diossine e ‘u policlorobifenile. Ce uardàte ‘u terréne d’u lacovòne pàre ca ha succèsse qualcheccose brùtta… fa ca mò l’hònnè bombardate. Presedèèèèèèè chiàme all’Arpa… ce ccòse hè capìte? Nòne ‘u strumènte… quìdde cristiàne ca mesuràne l’inguinamendo sine. Ce jèèè? Te pigghje paùre ca fànze accòme alle pechère de Statte? Ca t’accidène tütte le sciucature? Vide ca n’affàre fàce piccè ‘a Tàrde ce t’accidène lòre come a ‘na pechère te pajéne, ce muère sùle accome ‘a ‘nu càne, a diossine ‘no cendre nijnde… Ce stè ddice? Pùre tu te pigghje paùre de Riva? Nòòòòne Riva ca sciucàve ind’u Cagliari quìdde d’a fabbrèche d’a mòrte sine. Bah… osce ‘u Tàrde ind’u prime tijmbe ha fàtte sckife sckife sckife e ha pigghjate ‘nu gòl da fèsse accòme a dumenèca passàte… grazzie ‘a defèse. Po’ ‘u Tàrde ha sciucàte c’u 4-4-2 piccè stàve MAROLDA ‘mbéce de CAZZOLA (ca s’ha fàtte màle) e ind’u seconde tijmbe ha fàtte ‘na bella partite. Ha segnate DIONIGI ca s’ha levàte n’otra vòte ‘a magliètte pe ffà vedè quédde de sòtte ca stè scritte: GESU’ E’ IN ME e dumenéche nonge sciòche secùre. Ije le facéve ‘na bella multe a quìdde carnevale piccè tre ggol ha fàtte e tre ammonizione ha pigghjàte po’ vedémme ce l’avèva pajà ‘a mülte, idde o Gesù? Po’ ‘u Tàrde s’ha mangiàte ‘nu gol cu MAROLDA ca ‘u segnàve pùre ‘nu cecàte de nòtte e n’otre cu DIONIGI. Hònnè trasùte CARROZZA e DI BARI ma sèmpre accusi ha fenìte ‘a partite. Comungue sta squadra nostre sègne sùle grazzie alle punizzìone, oscè ‘u gòl ha parturite da ‘na punizzìone de PASTORE (‘u capitàne nuèstre)… A propòòòò PASTORE ca stàve ‘nu picche preoccupate piccè avève sendùte ‘u fàtte d’a diossine e delle pechère, quànne ha sapùte ca sùle le pechère moréne e le cristiane nòne (accussi dicène ‘a Tàrde)…ha penzàte…tante ije so’ pastòre, ce me ne fùtte a mmè d’a diossineeeee…annèeeee. Beh facitava calà mò, e ‘no ve pigghjàte pavùre d’a diossine… mangiatève ‘u pèsce ehehehe, ca cu tütte ‘u mercùrje ca stè indre ve putite mesurà ‘a frève senza termomètre… e Riva sciucàve ind’u Cagliari sine sine.